

Handwritten notes at the top of the page, including the name 'Dr. Satyapal Shrivastava' and various scribbles and numbers.

## सुतंत्रता अंदोलन—इतिहास दे झरोखे च

□ डॉ. सत्यपाल श्रीवास्तव (शास्त्री)

इस साल जिसलै के सारा देश भारत दी सुतंत्रता दी स्वर्ण जयन्ती मनाने दी तयारियां करा करदा ऐ तां स्थाड़ा स'बनी दा फर्ज बनदा ऐ जे अस भारत दी अजादी आस्ते भारतीय लोकें द्वारा कित्ती गेदियें कुर्बानियें गी चेत्तं करियें उनें वीरें गी शरदांजलियां देचें ते कन्न उंदे काबले तरीफ उनें कारनामें उप्पर नजरसानी वी करचें । इयां करने आस्ते स्थाड़े सामने दो उद्देश्य होने चाही दे न—(1) केहू कारण हे जां केहड़ियां कमजोरियां आई गेइयां हां स्थाड़े देसवासियें च जिस कारण इन्नी समृद्ध सांस्कृतिक वरासती दे मालक होंदे होए वी अस गुलामी दियें जंजीरे च जकड़ोई गे हे । इतिहास दे बरके फरोलियें इस मुद्दे उप्पर गौर करचें (2) अज कल दी युवा-पीढ़ी गी सुतंत्रता दे इतिहास दे बारे च वा-खबर करियें उनें गी सचेत करचें जे लखें देशवासियें दियें कुर्बानियें दे बाद मिली दी अजादी गी सम्हालियें रखदे होई नेहू चंगे कम्म करचें तां जे एहू देश ब्रक्की-बाद्धे पास गूं बधदा जा ।

भारत च अंगरेज कंपनी राज दियें ज्यादतियें ते अत्याचारें दे खलाफ सन् 1857-58 च जेहड़ा विद्रोह होआ हा उ'स्सी भाएं अंगरेजें ते उंदे प्रशंसक ऐहू लकारें ते इतिहासकारें सपाही विद्रोह दा नां दिता हा पर अज्ज इतिहासक तत्थें गी सच्ची बसोटी उप्पर परखने आहूले उस्सी सुतंत्रता-संग्राम दा श्री गणेश समझदे न । सुतंत्रता दी उस पंहुली लड़ाई च भाएं उस बीराङ्गना रानी झांसी ते उसदे ज्हारां सपाहियें, तांत्या टोपे ते टीपू सुल्तान ते उंदे साथियें अपनियां कुर्बानियां देइयें अंगरेजें दे छक्के छुड़ाई दित्ते हे पर ओहू अंगरेजें गी इस मुल्खे थमां बाहूर कड्ढने च इस लेई कामयाब नेई हे होई सकें जे स्थाड़े देसं च उसलै कोई नां ते इक सबल नेतृत्व हा ते नां गे इक मुट्ठ-संघठत शक्ति । उस मौके अंगरेजें उस विद्रोह गी दबाने आस्ते ज्हारें लोकें गी मीती दे घाट तुआरी दिता हा । बरेली (उत्तर प्रदेश) कोल इक द्रक्त उप्पर 257 बेगुनाहू लोकें की फांसी लाई दित्ती ही ।

उस संघर्ष दे बाद लन्दन च आई गेआ हा म्हारानी बिकटोरिया दा राज, जिसदे

Handwritten notes at the bottom of the page, including the name 'Dr. Satyapal Shrivastava' and various scribbles and numbers.

शासन हेठ भारत बी आई गेआ हा । भारतवासियें लेई ओह् बड़ा गै कठन दौर हा । उनें उस गुलामी दे दौर च बड़े गै जुलम ते अत्याचार बरदास्त कित्ते हे पर सन् 1884 दा ब'रा भारतवासियें लेई बरदान बनियै आया हा जिसलै के इक रह्मदिल अंगरेज एण्ड्रूज होरें भारत च राष्ट्री कांग्रेस दी नीह् रक्खी ही । भाएं इस पार्टी दा मकसद भारतीयें आस्ते अजादी हासल करना नेई हा, पर उनें गी बौद्धक ते मानसक तौर पर जागरूक करना गै हा । पर कांग्रेस दा ओह् प्लेट फार्म भारतीयें आस्ते बल्लें-बल्लें बरदान सिद्ध होंदा गेआ । की जे कांग्रेस दे मंच उप्पर उनें गी इक जगह पर किट्ठे होने ते बौहने दा मौका मिलन लगी पेआ हा इस करी ओह् अपने देसै दे भले-बुरे लेई सोचन लगी पे हे । उनें दिनें भारत दे शासन दी बागडोर इक क्रूर गवर्नर जनरल लॉर्ड कर्जन दे हत्थे च ही जेह्ड़ा बड़ा गै अत्याचारी ते बे-रह्म हुकमरान हा । उन्न जेह्ड़े जुलम हिन्दोस्तानियें पर कित्ते हे उंदा ब्यान सरकंढे उभारने आह्ला ऐ । एह् कुदरती गल्ल ऐ जे जिसलै माह्नु उप्पर माह्नु गै मते जुलम करन लगी पौऐ तां उसदी प्रतिक्रिया जरूर होंदी ऐ । लॉर्ड कर्जन दे जुलमें दी एह् प्रतिक्रिया होई जे भारतवासी होश सम्हलन लगे । उनेंगी गुलामी दियां बुराइयां ते सुतन्त्रता दियां चंगेआइयां चेतै औन लगियां । राष्ट्री कांग्रेस बल्लै-बल्लै राजनीति दा बाना पान लगी । सन् 1905 च जिसलै लॉर्ड कर्जन त्याग पत्र देइयै जा करदा हा, उसलै भारत दे केई शैहरें च काले शंडे लेइयै जलूस कड्डे हे ते उसदे खलाफ ना'रे लाए हे ते खुशियां मनाइयां । कांग्रेस दे उस बेल्ले दे प्रधान जी०के० गोखले ने बनारस च होने आले अधिवेशन च आवेआ हा—साथियो, एह् कितना सच्च ऐ जे हर इक चीज दा अन्त जरूर होन्दा ऐ । इयां हुकमरान लॉर्ड कर्जन दी कहूमत बी खनम होई गेई ।<sup>1</sup>

लॉर्ड कर्जन दे बाद आया हा लॉर्ड मिण्टो । ओह भाएं कर्जन आह्ला लेखा अत्याचारी नेई हा, पर उन्न बी बंग-भंग आंदोलन गी दवाने आस्ते लोकें पर केई जुलम कित्ते हे । खीर ओह् बी भारत थमां फटकारां ते सूकां लेइयै गै गेआ हा । उसदे बाद आया हा लॉर्ड हार्डिंग । ओह् बी लग-भग मिण्टो दे गै नकशे कदमें उप्पर चलदा होआ अपना वक्त-कट्टन लगा हा । उन्न बी अजादी आस्ते अपने हक्के दी खातर जद्दोजहद करने आहले उप्पर मनमाने जुलम कित्ते हे ।

सन् 1902 दे बाद बंगाल बिच्च स्वदेशी अन्दोलन शुरू होई गेआ हा । इस कर्ने हर बंगाली दे मनै च अजादी दी खातर नमीं चेतना जागी पेई ही । सन् 1905 च अरविन्द घोष दे निक्के भ्रा बरीन्दर घोष ने अनुशीलन समिति दी स्थापना कित्ती ही, जिसदियां गतिविधियां बंगाल दे इलावा बिहार बिच्च बी शुरू होई गेइयां हां । इस संस्था ने 'भवानी मन्दिर' ते 'वर्तमान रणनीति' नां दियां दो कताबां बी छापियां ते 'युगान्तर' नां दी सप्ताहक पत्रका बी कड्डनी शुरू कित्ती ही । इनें त्रीनी दा उद्देश्य भारत दी अजादी दी जंग तेज करने आस्ते देशवासियें गी तयार करना हा । इस पत्रका दी ग्राहक संख्या पौन-पट्ट गै 7000 होई गेई ही, पर अंगरेज सरकार ने सन् 1908 च इस पत्रका उप्पर पाबन्दी आयद करी दिती ही । इसदे बाद बंगाली बिच्च 'मुक्ति कोन पथे' छपनी शुरू होई ही । पर अंगरेजी

1. Gentleman, how true it is that everything there is an end ! Thus even the Viceroyalty of Lord Curzon has come to a close—Struggle for freedom. P. I.



कहमत बी अपने जुल्मी रबेये कोला बाज नेई ही आई । भारतवासिये गी ते खास करिये नौजवान तबके गी कहमत किश मता गै दुखी करिये सतांदी ही ।

हृथ्यार किट्ठे करने दी मुहिम दी सब थमां कामयाब 24 अगस्त 1914 आह्ली घटना ही । होआ इयां हा जे किश 'बरे पँहलै' इक क्रान्तिकारी युवक-हृथ्यारें दी कम्पनी रोड्डा एण्ड को. कलकत्ता नौकर होई गेआ हा ते जिसलै लन्दन थमां जहाज हृथ्यारें दी खेप लेइयै बनरगाह् पर पुज्जा तां उस युवक गी हृथ्यार दियां पेटियां ल्याउने आस्ते भेजेआ गेआ । जिसलै जहाजे परा माल उतरेआ तां ओह् युवक 10 पेटियां उत्थुआं खसकाइयै बड़ी चलाकी कन्नै गायब होई गेआ हा । उदे च 50 पस्तौल ते 46000 रौंद हे । एह् बाद च क्रान्ति-कारिये गी बंडी दित्ते हे ।

बाद च अनुशीलन समिति कोला प्रेरणा लेइयै केई होर क्रान्तिदल गठत होई गे हे जेह् डे बंगाल दे बाह् र दुए प्रान्तें च अपनियां गतिविधियां चलान लगे हे । इयां तकरीबन सारे देश बिच्च सुतन्त्रता-अन्दोलन दी अग भड़की उठी ही । उ'आं कलकत्ता, बनारस, पटना, इनाहाबाद, पंजाब, जयपुर, मद्रास, पूना, नागपुर, बम्बई, एहमदाबाद, लाहौर, साहरनपुर, ते दिल्ली क्रान्तिकारिये दिये गतिविधिये दे खास केन्द्र हे ।

उनें दिनें जयपुर च अर्जुनलाल सेठी ने इक स्कूल दी स्थापना कित्ती ही जेह् ड़ा बाद च क्रान्तिकारिये दा गढ़ बनी गेआ हा । बनारस बिच्च रास बिहारी बोस ते सचीन्द्र सन्याल ने जोर-शोर कन्नै कम्म शुरू कित्ते दा हा । सन् 1907 च मद्रास शँहरे च विपिनचन्द्र ने जेह् ड़ा भड़काऊ भाशन दित्ता हा उस कन्नै उस प्रान्त बिच्च बी क्रान्तिकारिये दियां गति-विधियां जोर पकड़ी गेइयां हियां । सन् 1908 कोला सन् 1911 दे दरम्यान क्रान्तिकारिये अपना जाल दिल्ली, मध्यप्रदेश, पंजाब, राजस्थान, महाराष्ट्र, गुजरात, सिन्ध बगैरा सारिये रियास्ते ते सूबे बिच्च फलाई दित्ता हा । इस क्रमै च बड़ी-चढ़ियै हिस्सा लैने आले क्रान्ति-कारी हे सचीन्द्र सन्याल, अमीर चन्द्र, अवध बिहारी ते बालमुकुन्द बगैरा । क्रान्तिकारिये बम्ब बनाए ते क्रान्तिकारिये च बंडे ते केइयें आह्ला अफसरें उप्पर बम्ब सुट्टे, इन्दे च लॉर्ड हार्डिंग बी इक हा, जेह् ड़ा बाल-बाल बची गेआ हा ।

इनें दिनें गै क्रान्तिकारिये फँसला कित्ता हा जे भारत थमां बाह् र विदेशे बिच्च बी अपनिये गतिविधिये गी फलाया जाऽ तां जे संसार दे लोकें गी बी पता चलै जे भारतवासिये दी लड़ाई अजादी हासल करनै आस्ते ऐ । एह् मुख हे लन्दन, अमरीका, फ्रांस, कनाडा बगैरा । लन्दन च वीर सावरकर, लाला हरदयाल, मदन लाल ढींगरा, शाम जी बगैरा ने जेह् ड़ा कम्म शुरू कित्ता उसदी धुम्म सारे युरोप च पेई गेई । इन्दिये गतिविधिये दा केन्द्र हा 'इण्डिया-हौस' । 18 फरवरी 1905 बिच्च क्रान्तिकारिये शाम जी दे नेतृत्व च 'इण्डियन होमरूल सोसायटी' दी स्थापना कित्ती ते कन्नै गै 'इण्डियन सोसियालोजिस्ट' नां दी अखबार बी छापनी शुरू कित्ती जिसदे राहें भारत दी पूर्ण अजादी दा प्रचार शुरू होई गेआ । इस कन्नै लन्दन च सूझ-बूझ रक्खने आह्ले लोकें दे कन्न खड़े होई गे हे । नतीजा एह् होआ जे इक सोची-समझी योजना दे तँह्त शाम जी उप्पर हल्ला बोली दित्ता पर ओह् बाल-बाल बची गे हे ते नसियै फ्रांस चली गे हे ते उत्थै जाइयै अपनी योजना चलान लगे हे । उंदे पिच्छुआं लन्दन च वीर सावरकर बदस्तूर कम्म करदे रेह् हे ।

किश चिरै दे बाद जुलाई 1909 गी मदन लाल ढींगरा ने कजंन गी गोली कन्नै डुआई दित्ता हा । उसदे तुरंत बाद ओहू पकड़ेआ गेआ हा । जिसलै उससी अदालती च पेश कित्ता गेआ तां उन्न जज्ज दे सामने ब्यान दित्ता हा—“मैं इक अंगरेज दा खून कित्ता ऐ जानी बुज्जियै ते कन्नै अपना वितन विरोध दा इरादा जाहूर करने आस्ते की जे अंगरेज सरकार भारत दे लोकें कन्नै पशुआना व्यवहार करियै उंदे चा केइयें गी भारत थमां दुए मुखे च लेई जंदी ऐ ते केइयें गी फांसी देई दिदी ऐ ।”

जिसलै बीर ढींगरा गी फांसी दित्ती तां ब्रिटेन दियें किश ते आयरलैण्ड दियें सारियें अखबारें उसदे चित्तर छापे हे, उसदी दलेरी ते कुर्बानी दी तरीफ कित्ती ही ।

उसदे बाद बीर साबरकर बी पकड़ेआ गेआ हा ते समुद्री जहाजे च भारत आनदे मौके ओह समुद्र च कुद्दी पेआ हा ते केई मील तक तारी सारियै बन्नै लग्गा हा । पर खीर च पहीऽ पकड़ोई गेआ हा ।

अंगरेजें भारत दे बाहर अपने उपनिवेशें च भारत बासियेंगी मजदूर बनाइयै जबरदस्ती लेई जाने दी जेहूड़ी नीति अपनाई ही उस दा इक बड़ा फायदा एह होआ हा जे क्रान्ति-कारियें गी अपने अड्डे विदेशें च कायम करने दे रस्ते लब्धी गे हे । नतीजतन काफी तदाद च, पंजाबी, गुजराती, बंगाली बगैरा—इंग्लैण्ड, मरीका, फ्रांस, कनाडा, मारशिस, त्रीनीनाडद फिजी बगैरा देसैं च जाइयै कम्म-काज करदे-करदे अपनी क्रान्तिकारी गतिविधियें च प्रचार बी करदे रौहूंदे हे । इन्हें भारतीयें च जेहूड़े सिर्फ कम्म ते रोजी-रोटी दी खातर गै विदेशें च गे हे ओहू बी क्रान्तिकारियें दे प्रभाव च आइयै यथा शक्ति तन, मन ते धन कन्नै सुतन्त्रता संग्राम च शामिल होई गे हे । इंदे च काफी तदाद च पंजाबी अपनी मेहनत कन्नै चंगे वपारी बनी गे हे । पर सभनी भारतीयें (गरीब-अमीर) गी अंगरेज हिकारत ते नफरत दी निगाहू कन्नै गै दिखदे हे ते उंदे कन्नै बड़ा बुरा सलूक करदे हे । इन्नै तक जे केइयें सिलमा घरें, होटलें, रेलगड्डियें, बागें बगैरा दे दुराजें पर लिखेदा होंदा हा हिन्दोस्तानी कुत्तें गी इजाजत नेई ऐ—(Indian dogs are not allowed) इये नेहू सलूकें कन्नै हिन्दोस्तानियें दा बड़ा अपमान होंदा हा ते कन्नै उन्नै गी इस कन्नै बड़ी चिड़ बी होंदी ही, पर इसदा सुखकारी नतीजा एहू होंदा गेआ जे मती कोला मती तदाद च विदेशें च रौहूने आहूले हिन्दो-स्तानी अपने मुखे दी अजादी लेई कमर-कस्स हान लगी पे । विदेशें च रौहूंदे होई उन्नै छद्म नां रक्खियै केई सांसाइटियां बनाइयां ते केई रोजाना अखबारों ते सप्ताहक ते पाक्षिक रसाले ते इश्तिहार बगैरा छापियै अपने-अपने प्रचार दा कम्म जारी गै नेई रक्खेआ बल्के उस्सी दिन-दिन मती रफतार कन्नै अगुं बधाय़ा हा । पैहूली नवम्बर 1913 च क्रान्तिकारियें ला० हरदयाल दे नेतृत्व च मरीका दे इक शैहूर सान-फ्रांसिसको च सारियें निक्कियें-मुट्टियें पाटियें गी किट्ठा करियै इक ‘गदर’ नां दी पार्टी दी नीहू रक्खी ही ते कन्नै गै ‘गदर’ नां दी अखबार बी छापनी शुरू कित्ती ही । इस कम्म लेई आनन-फानन 15000 डालर बी किट्ठे होई गे हे । नतीजा एहू होआ जे क्रान्तिकारियें दी शक्ति च होर

1. “He shed English blood intentionally and of purpose as an humble protest against the inhuman transportation and hangings of Indian youths”.



बाढ़ा होआ ते मते कोला मते भारती उंदे कर्न आई-मिलन लगे हे । सान-फ्रांसिको दी गली (हिल स्ट्रीट) नं० 436 च जेह्डा क्रान्तिकारिये अपना कार्यालय बनाया हा उसदा नां रक्खेआ 'युगान्तर आश्रम' ।

गदर अखबार दे पैहले अंक च छापेआ गेआ हा 'अज्ज स्हाड़ी अंगरेजे दे खलाफ लड़ाई विदेशी भूमि उपर शुरू होआ करदी ऐ । स्हाड़ा नां केह् ऐ?...विद्रोह । स्हाड़ा कम्म केह् ऐ?...विद्रोह । विद्रोह कुत्थै फुट्ट'ग ? हिन्दोस्तान-बिच्च'<sup>1</sup> ।

इसदे लावा 'गदर' ते होरनी अखबारें च (हिन्दी, उर्दू, बंगाली) बड़े गै भड़काऊ लेख, कवतां ते अपीलां छपदियां । आस्ता-आस्ता इनें अखबारें ते पत्रकें दे लक्खां गाहक बनी गे । 25 मार्च 1914 गी ब्रिटिश सरकार दे आखने पर मरीका सरकार ने ला० हरदयाल गी गिरफ्तार करी लेआ, पर हिन्दोस्तान दे हमदर्द मरीका दे सैकरेटरी ऑफ स्टेट डब्ल्यू. जे. ब्रयान दे शारे पर लाला हुंदा जमानत होई गेई ते जे'ला निकलदे गै ओह् स्वीटजरलैंड दे शौहर जनेवा जाई पुज्जे हे । उत्थै उनें 'बंदे मारतम्' अखबार दा संपादन शुरू करी दिता हा । इयां मरीका च लाला हुंदा साथी रामचन्द्र ते जनेवा च लाला होर अप्पू 'गदर' अखबार ते 'बंदे मातरम्' अखबार दे राहें भारतवासिये ते दुनियां दे लोकें दे सामने अंगरेजे दिये कालिये करतूते ते असंभ जुलमें दा कच्चा चिट्ठा खोल दे रेह् हे । नतीजतन सुतन्त्रता प्राप्ति दे अंदोलन गी बड़ी गति मिलदी गेई ही ।

क्रान्तिकारी रामचन्द्र ते उसदे साथिये दी कोशशें कर्नै मरीका च जर्मन-दूतावास दे अधिकारिये दस्त-जहार आदमिये आस्ते हथियार ते गोला बरूद भेजने दी योजना बनाई । इस योजना दे तैह्त 8000 रायफल ते 40०000 कारतूसें दी खेप तयार कित्ती गेई पर एह् योजना सफल नैई हो सकी ।

4 अगस्त 1914 गी पैह्ला विश्व युद्ध शुरू होआ । जर्मन ते अंगरेज इक दुए दे कट्टर दुश्मन बनी गे, पर जर्मन दे लोक हिन्दुस्तानी क्रान्तिकारिये दे दोस्त बनी गे । नतीजतन हिन्द-जर्मन खड़जेन्त्र मरीका च तयार कित्ता गेआ, जिसदे मुताबक 'तांसामारू'ते कोमा गाटा मारू नां दे जपानी ज्हाजे 29 अक्टूबर 1914 गी 2500 यात्री लेइयै (हथियारें समेत) कलकत्ते दी बन्दर गाह् उपपर लंगर लाए । पर सरकार क्रान्तिकारिये दी चाल-समझी गेई ते उनें यात्रिये खंडाई-खंडाइयै पंजाब, उत्तर प्रदेश, विहार बगैरा प्रान्ते च भेजन लगी, ओह् यात्री उस नीति गी समझियै उसदा वरोध करने लगे । जबरदस्त मारकुटाई होई । किश सरकारी सपाही मरे ते किश क्रान्तिकारी बी ।

इत्थै एह् गल्ल काबले जिकर ऐ जे उनें दिनें क्रान्तिकारिये दिये क्रान्तिकारी कार-वाइयें दा दिल्ली तौर पर समर्थन अरविन्द घोष, लाला लाजपत राय, बालगंगाधर तिलक, अश्विनी कुमार दत्ता, ते बी०सी० राय जनेह् नेता लोक बी करदे हे । आम जनता दी हमदर्दी ते उदे कर्नै सी प्रतिशत ही । जिसलै कान्ति लाल दत्ता गी अलिपुर बम्ब-अभियोग ते

1. "Today there begins in foreign lands.....a war against the British Raj..... What is our name? Mutiny. What is our work? Mutiny. Where will mutiny break out? In India,"

होर केई अभियोगें दे कारण फांसी दिती गई ही तां लक्खां लोक उसदे शोक आस्ते जलूस दी शकल च बाहूर गलियें ते सड़कें उप्पर आई गे हे ।

इत्थै एह् गल्ल बी स्पष्ट करनी जरूरी ऐ जे क्रान्तिकारियें दियें मार-काट, बम्ब सुट्टने ते लुट्ट-खसूट जनेहियें गतिविधियें अंगरेजें दा दम खुशक करी दित्ते दा । एह् ते हा सुतन्त्रता अंदोलन दा क्रान्तिकारी रूप । इसदे कन्नै-कन्नै इसदा शान्ति ते समझीते आह्ला रूप बी अपनी गति कन्नै अगँ बघदा जा करदा हा । एह् राष्ट्री काँग्रेस दियें नीतियें आह्ला रूप हा । ओह् पार्टी बी अपनियां गाहे-बगहे बैठकां कारियें ते प्रस्ताव पास करियें अंगरेज सरकार उप्पर हिन्दुस्तानियें गी अपनी कहुमत करने दे अधिकार देने आस्ते संघर्ष करा करदी ही । उद्धर अंगरेजें दी चाल कन्नै सन् 1907 च मुस्लिम लीग दी स्थापना होई जाने करी अजादी दे अन्दोलन गी इक झटका जरूर लगा हा । लीग दे स्थापक जिन्नाह होरे गी राष्ट्री विचार धारा रक्खने आह्ले नेतें, जिंदे च लोकमान्य तिलक, जी० के० गोखले, अरविन्द घोष जनेह् प्रमुख हे, बथेरा समझाया हा, पर ओह् बिंद बी नेई हे मन्ने । मुस्लिम लीग दी स्थापना दी प्रतिक्रिया एह् होई ही जे हिन्दु महासभा बी बजूद च आई गई ही । इयां फिरका प्रस्त ताकतां अपना सिर कड्डन लगी पेइयां हिया नतीजे दे तौर बंडो ते राज करी (Divide and rule) नीति चलाने च अंगरेज सरकार किश किश सफल होई गई । उनें दिनें गै नेह् हालात पैदा होए गे काँग्रेस बी द'ऊं धडें च बंडोई गई (1) नमं दल (2) गमं दल । इस चाली सुतन्त्रता अन्दोलन दा एह् पंजमुखी रूप उभरी आया — (1) काँग्रेस नमं दल (2) काँग्रेस गमं दल (3) मुस्लिम लीग (4) हिन्दु महासभा (5) क्रान्तिकारी गदर पार्टी । इन्दे च काँग्रेस दा गमं दल बल्लै-बल्लै इस लेई नकारा साबत होआ जे क्रान्तिकारी गदर पार्टी अपना इक लम्मा इतिहास बी बनाई चुकी दी ही ते कन्नै शायद इस दियें अत्यन्त उग्रगतिविधियें दी बजह कन्नै लक्खां जुआन-गमरू इस कन्नै जुड़े दे हे ।

दूआ कारण इसदे कमजोर होने दा एह् बी जे दो धक्कड़ नेता अरविन्द घोष ते बालगंगाधर तिलक इस थमां टुट्टी गे हे । अरविन्द घोष होरें राजनीति कोला सन्यास लेइयें पांडिचेरी जाइयें अपना आश्रम बनाई लेआ ते लोकमान्य होर छे साल्लें लेई जे'ल च बन्द करी दित्ते गे । एह् दोए नेता बड़े गै काबल ते विद्वान् हे । 'स्वराज साढ़ा जन्मसिद्ध अधिकार ऐ' एह् ना'रा बालगंगाधर तिलक होरें गै दित्ता हा ।

सन् 1914 च पैह्ला विश्वयुद्ध भारत दी सुतन्त्रता अंदोलन आस्ते भगवान पासेआ इक गुप्त शीरवाद (Blessing in disguise) बनियें शुरू होआ हा । रूस, मरीका, जर्मनी, फ्रांस बगैरा सब चाह् दे हे जे कोई बी ताकतवर देस कुसै बी देसै दी अजादी उप्पर नां ते गल्बा पास ते नां गै कुसे बी देसे दी सुतन्त्रता प्राप्ति आस्ते उट्ठी दी अवाज गी दवाने दी कोशश करै । इयै नेही अनुकूल हवा दा फायदा उठाइयें गै काँग्रेस ने 1916 च कित्ते दे अपने वार्षिक अधिवेशन च प्रस्ताव पास करियें बादशाह लन्दन कोला मांग कित्ती ही जे भारतवासियें गी अजादी देने दे बारे च तौले गै घोषणा कित्ती जा ।

10 जून 1914 गी काँग्रेस दे दोए धड़े, मुस्लिम लीग ने हिन्दोस्तान दी अजादी आस्ते इक सांझा मंच तयार कित्ता हा । इस मंच दे गठन दा श्रेय लोकमान्य तिलक ते श्रीमती



एन्मी वेसण्ट गी दित्ता जंदा ऐ । उआं फरोजशाह मेहता, जी० के० गोखले ते ला० लाजपत-  
 राय बगैरा ने बी इस बारे च अपना पूरा-पूरा सहजोग दित्ता हा । सन् 1915 च बंबई च  
 कांग्रेस दा जेह्,डा वार्षिक अधिवेशन होआ हा उसदे च बड़ी तदाद च मुस्लिम लीग ते कांग्रेस  
 दे नेता शामिल होए हे । उनें दिनें गै श्रीमती एन्नी वेसण्ट ने 'होम रूल लीग' दी स्थापना  
 कित्ती ही । ओह् थियांसोफिकल सोसायटी दे नातें भारत भर च पहुँचै गे मशहूर होई चुकी  
 दियां हां ।

श्रीमती एन्नी वेसण्ट होर होमरूल लीग दे उद्देशेँ दा प्रचार अपनी पत्रका 'कॉमन  
 वील' द्वारा करदियां हियां इनें उद्देशेँ च इक भारत दे लोकें गी ब्रिटिश कॉमनवेल्थ दे अधीन  
 अपनी सरकार बनाने दा हक्क दुआना बी हा ।

कांग्रेस दे दिसम्बर 1917 च होने आह्ले अधिवेशन च बड़ी जद्दोजहद ते बरोधेँ दे  
 बाद श्रीमती एन्नी वेसण्ट गी प्रधान चुनेआ गेआ हा ।

उस वेल्लै भारत दी बदकिस्मती घटना एह् होई जे 'इण्डो ब्रिटिश एसोशियेशन' नां  
 दी तथाकथित संस्था ने इंग्लैंड च भारत विरोधी प्रचार शुरू करी दित्ता, पर 20 अगस्त  
 1917 गी माण्टागू-घोषणा कर्नै ब्रिटिश भारत दे सम्पूर्ण हक्केँ च इक हलचल मची गेई ही ।  
 उन्न भारत च आइयँ ऐसी नीति कर्नै ते कूटनीति चाल कर्नै कम्म लेआ जे किश चिरँ आस्ते  
 भारत च अजादी दे अन्दोलन दी गति बड़ी मन्द होई गेई ही । इसै आस्ते उन्न खुश ते  
 सन्तुष्ट होइयँ आखेया हा—“मै हिन्दोस्तान गी चुप्प कराई दित्ता ऐ ।”

29 अगस्त 1918 गी बम्बई च कांग्रेस दा अधिवेशन होआ हा । उस बिच्च पं० मदन  
 मोहन मालवी, श्रीमती एन्नी वेसण्ट, लोकमान्य तिलक, सुरेन्द्रनाथ बनर्जी, भूपेन्द्रनाथ बसू  
 जनेह् चोटी दे नेता शामिल होए हे । इनें सभनी नेताएँ कांग्रेस गी इक जुट रक्खियँ भारत गी  
 अजाद करोआने दियां अपनियां कोशशां जारी रक्खने दी प्रतिज्ञा कित्ती ही । सन्  
 1919 आह्ला ब'रा भारत दी सुतन्त्रता दे इतिहास दा महत्त्व आह्लै  
 ध्यास दा ब'रा मन्नेआ जाई सकदा ऐ । एह् नेहियां जादगारां छोड़ी गेदा ऐ जेह् डियां  
 बडियां गै कौडियां बी हैन ते मिट्ठियां बी । इसै ब'रे दे अप्रैल महीने दी 13 तरीक  
 (यनी बसाखी आह्ले दिन) जनरल डायर ने अमृतसर दे जल्लेयां वाले बाग च किट्ठे होए  
 दे वेगुनाह् लोकें पर अन्धाधुन्ध गोलियां चलोआइयँ जहारां लोक जखमी करी दित्ते हे ते  
 इक जहार थमां मते लोकें गी (जनानियेँ, बच्चें, जुआनें ते बुड्ढें गी) मौती दिया गोदा सोने  
 आस्ते मजबूर करी दित्ता हा । जनरल डायर ते उसदे दुए एह्लकारें पंजाब दे लोकें उप्पर  
 उस वेल्लै जेह्,डे जुल्म कित्ते हे उंदा वर्णन रंगटे खड़े करने आह्ला ऐ ।

उनें दिनें भारत च अंगरेज सरकार दा वायसराय हा लॉर्ड चैम्सफोर्ड । एह् भाएँ  
 बाह्रा दा बड़ा मिट्ठा ते भोला-भाला लभदा हा पर बिच्चा दा बड़ा गै चलाक ते क्रूर  
 हा । इन्न अपने पूर्ववर्ती लॉर्ड कर्जन, लॉर्ड मिण्टो ते लॉर्ड हार्डिंग दियां नीतियां अपनाइयँ  
 अपनी सुधार-दबाव' दी नीति चलाई । इन्न गै इंग्लैंड दी पार्लियामेंट दी इजाजत कर्नै  
 इक कमेटी गठत करियँ रौलट बिल्ल जां एकट तयार करोआइयँ पास करोआया जिसदा  
 मुख मकसद हा अजादी दे दिवाने गी जियां-कियां बी होऐ दवाना ते कुचलना तां जे सुतन्त्रता

~~1919 का आन्दोलन~~ 11 अगस्त 1908 को आइले दिन (गुलीराफ नौकरों की फांसी दे लगे) पर मरकर दिता हा।

दा अंदोलन बी अपने-आप दबोई जा।

1919 दे इस ब'रै च गै म्हात्मा गांधी होरें बी अपना प्रभाव दसना शुरू करी दित्ता हा। ओह् भाएं भारत च 1915 च गै आई गे हे, पर शुरू-शुरू च उंदा भारत दी सक्रिय राजनीति च प्रवेश नेई हा होई सकेआ। इसदे च बजह किश बी होई सकदी ऐ। इन्ने तक जे जी० के० गोखले दी पूरी कोशिश दे बावजूद गांधी होरें गी सरवेण्ट ऑफ इण्डिया सोसायटी दा सदस्य बनना बी मुश्कल होई गेआ हा। पर इन्ना ते सब जानदे हे जे गांधी होर दक्खन अफ्रीका च अपने नमें हथ्यार सत्याग्रह दा सफल प्रयोग करियँ उर्थँ अपना काफी प्रभाव छोड़ी आए दे न। इस्से आत्मविश्वास दे अधार पर ओह् अंगरेज सरकार गी बार-बार अगाह् करदे रेह्, जे दक्खन अफ्रीका आह्ला गांधी हल्लें जींदा ऐ। उंनें दिनें अंगरेज सरकार भारती लोकें गी सँकड़ें दी तदाद च उल्टे सिंढे करारनामे करियँ विदेशें च लेई जाइयँ मजूरी करोआंदी ही। दुए लफजें च एह्, उंनें गी गुलाम बनाने दा तरीका हा। गांधी होरें इस दा जबरदस्त बरोध कित्ता हा ते सारे मुखे दा दौरा करियँ सरकार गी आखेआ हा जे 31 जुलाई 1917 तक भारतियें गी मजदूर बनाइयँ विदेशें च लेने मौक कित्ते गेदे गैर कनूनी करारनामें दे तरीके गी बंद नेई कित्ता तां ओह् सत्याग्रह शुरू करी देडन। नतीजे तौर सरकार गी झुकना पेआ हा। एह् गांधी दी भारत च पैहूली राजनीतिक जित्त ही। इसदे बाद उंनें चम्पारन (बिहार) च ते पहीऽ एहमदाबाद गुजरात च सत्याग्रह करियँ नील फसारा दे करसाने ते मिल्ल मजूरें गी उंदे हक्क दुआए। एह् मदाबाद आह्ले सत्याग्रह च सरदार पटेल होर बी उंदे कन्नं आई रले हे।

उसदे बाद गांधी होरें रौल्ट एक्ट दे खलाफ अपनी अबाज बुलन्द कित्ती। उंनें लोकें गी पैहूलें 30 मार्च 1914 ते पहीऽ 6 अप्रैल 1919 आह्ले दिन उपवास ते प्रार्थना करने दी अपील कित्ती। इसदा बी लोकें पूरा साथ दित्ता। उंआं उस दिन किश नेहियां घटनां बी होइयां जिंदां बहाना बनाइयँ सरकारी पुलिस ने लोकें पर लाठीचाजँ बी कित्ता ते गोलियां बी चलाइयां जिस कन्नं किश मौतां बी होइयां।

गांधी हुंदे आंदोलन ते सत्याग्रहें दे कन्नं कन्नं दुए पासें क्रांतिकारी बी अपनियां गति-विधियां उस्से चाली जारी रखदे रेह् हे। उंनें दिनें पं० रामप्रसाद विस्मिल, सरदार भगत-सिंह, सुखदेव, राजगुरु, चन्द्रशेखर आजाद, अशफाक उल्ला खां, ठाकुर रोशनसिंह, नातिक हुसैन, कर्तारसिंह सरावांते बटुकेश्वर दत्त बगैरा जोश-खरोश कन्नं अपनियां गतिविधियां चलाऽ करदे हे। ओह् अजादी हासल करने दे पवित्तर कम्म आस्ते हिंसा, लूट-मार बगैरा गी बुरा नेई हे समझदे। अंगरेज सरकार ने बी क्रांतिकारियें उपपर काबू पाने आस्ते बड़े जुल्म कित्ते हे, जिस कन्नं केई बेगुनाह् लोक बी मारे गे हे।

इन्ने तक जे केई सँकड़े लोकें गी पंक्तियें च खडेरियें गोलियें दा नशाना बनाया जंदा हा। केई सँकड़ें गी द्रवते ने लटकाइयँ फांसी दित्ती जंदा ही। उत्तरप्रदेश दे बस्ती जिले दी छौनी च इक बूहे कन्नं लटकाइयँ बारी-बारी 200 आदमी फांसी दे फंदे कन्नं लटकाई दित्ते हे। क्रांतिकारियें दियें कुर्बानियें दा असर एह् होआ जे सरकार थोड़ी-थोड़ी जरकी पेई। सरकार ने प्रांतीय विधानसभां ते विधाज्ञ परिषदीं गठन करने दा फँसला कित्ता। एह् फँसल मोण्टाग-चैलम्सफोर्ड दी रपोर्ट दे अधार पर कित्ता गेआ। पर की जे इन्दे च केई

8 / शीराजा  
 17 अगस्त 1909  
 बटु दे मौ के मदन लाल धींगरा  
 जेस मानना है कि के ई भी देश जिसे विदेशी हांगीनों की शक्ति  
 मंगलम बनाकर रखा जात है, सदैव उठनी शक्ति में रहता

बलिदान करने का समान मिले

Handwritten notes on the left margin.



3-ईदिंगी मराराच च कापुड व नगवत कड के ते  
महापुर च के टिकेड जी जी नी कंगली डिनाईईटी  
नगवत

खामियां रेही गेदियां इस लेई कांग्रेस ते मुस्लिम लीग ने इसदा बरोध करना शुरू करी दित्ता। इस आस्तं इक खिलाफत कमेटी गठत कित्ती गई। 28 मई 1920 गी बम्बई च खिलाफत कमेटी दी बैठक होई। इस बिच्च फैसला कित्ता गेआ जे सरकार द्वारा भारत दे वारं च बनाए गेदे कनून ते उंदे मुताबक कित्ते गेदे फैसलें दे प्रति असहयोग दा रवेइया अह्त्यार कित्ता जा। उसै दिन जिसलै हण्टर कमेटी दी रपोट छपिये सामने आई तां कुसं बी उंसी पसंद नेई कित्ता। सारे पासेआ उसदे खलाफ बरोध दी अवाज उट्ठी पेई। 30 मेई गी जिसलै बनारस बिच्च अखिल भारती कांग्रेस कमेटी दा अधिवेशन होआ तां जोरदार लपजें च सरकार कोला मांग कित्ती गई जे वायसराय गी वापस बुलाया जा ते कन्नै जनरल डायर गी माकूल सजाऽ दित्ती जाऽ।

1 अगस्त 1920 गी लोकमान्य तिलक दी मौत कन्नै सुतन्त्रता अदोलन की जबर-दस्त धक्का लग्गा। उनें दिनें गै लाला लाजपतराय मरीका थमां भारत वापस आए। उनें गी इक सरकारी हुकम दे तैहूत देश निकाला दित्ता गेदा हा। उंदी अध्यक्षता च गै 4 सितम्बर 1920 गी कलकत्ते च कांग्रेस दा अधिवेशन होआ जिस बिच्च म्हात्मा गांधी हुदे द्वारा पेश कित्ते दे प्रस्ताव गी पास करिये फैसला कित्ता जे देश भर च असहयोग अंदोलन चलाया जा। इसदे मुताबक सरकारी स्कूलें ते कालजें चा बच्चें गी कड्डी लैता जा, सरकार थमां थहोए दे खताव, इनाम बगैरा वापस कित्ते जान, वकील ब्रिटिश अदालतें दा बहिष्कार करन ते कन्नै विदेशी कपड़े दी बी होली जलाई जा बगैरा-बगैरा। इस अंदोलन दा देश ब्यापी असर होआ। 17 नवम्बर गी सारे देश च हड़ताल कित्ती गई। पर बदकिस्मती कन्नै बम्बई बिच्च बजाए शांतिपूर्ण हड़ताल दे सांप्रदायक दंगे शुरू होई गे हे। म्हात्मा गांधी हुदे दिल उप्पर इंदा बड़ा बुरा असर होआ हा।

इस घटना दे बाद सरकार ने कांग्रेस खिलाफत कमेटी ते बाकी क्रांतिकारी पाटियें उप्पर पाबंदियां लाने दा फैसला करी लेआ। अजादी दे परबाने बी पिच्छे हटने आहूले नेई हे। प्रांती कांग्रेस कमेटी, कलकत्ता ने फैसला कित्ता जे सिवल ना-फरमानी-आंदोलन शुरू कित्ता जा इस बारे च सी० आर० दास गी सर्वे सर्वा बनाया गेआ। कांग्रेस दे स्वयंसेवकें सरकार दी सखती दी परवाह कित्ते बगैर घर-घर जाइये सरकारी हुकमें दे खलाफ प्रचार कित्ता ते विदेशी कपड़े छोड़िये खहर धारण करने दी सलाह दित्ती। इसै तरीके कन्नै देश दे होर हिस्सें च बी सिवल नाफरमानी दा आंदोलन जोर-शोर कन्नै चलाया मेया। म्हात्मा गांधी, मदनमोहन मालवी, मोती लाल नेहरू, ला० लाजपत राय बगैरा सब बड्डे-बड्डे जेलें च बन्द करी दित्ते गे। इस दी बी आम जनता उप्पर जबरदस्त प्रतिक्रिया होई। बंगाल, उत्तरप्रदेश, बिहार, पंजाब, महाराष्ट्र बगैरा स'भनी जगहें च हड़तालां ते जलूस, ना'रेबाजी ते विदेशी चीजें-वस्तें दियां होलियां बगैरा दृश्य गै नजर औदे हे।

दिसम्बर 1922 गी जिसलै गया (बिहार) च कांग्रेस दा अधिवेशन सी० आर० दास दी प्रधानता च होआ तां उंदे प्रधानगी भाशन च उठाए गेदे किश मुद्दे दा जिसलै राजगोपाला-चार्य ते बड़ी तदाद च होर सदस्यें बी बरोध कित्ता तां सी० आर० दास होरें त्याग पत्तर देई दित्ता ते पं० मोतीलाल नेहरू हुदे कन्नै रलिये कांग्रेस दे अन्दर रेहिये गै कांग्रेस खिलाफत स्वराज पार्टी नां दा इक दल खडेरी लेआ। उआं इसदा मुखसर नां स्वराज पार्टी गै रक्खेआ गेआ। जिसलै विधान सभा दे चनाऽ होए तां उस च स्वराज पार्टी दे 48 सदस्य







26 जनवरी 1929 गी कांग्रेस दा वार्षिक अधिवेशन लाहौर दे कोल रावी नदी दे कनारे होआ हा, जिस दे प्रधान जवाहर लाल नेहरू हे । उसै अधिवेशन च इक प्रस्ताव दे राहें भारत गी पूर्ण सुतन्त्र राष्ट्र बनाने दी मांग किती गई ही ।

सरदार भगतसिंह, चन्द्रशेखर आजाद ते बटुकेश्वर दत्त ने इक योजना बनाई जे 8 अप्रैल 1929 आहूले दिन धारा सभा (दिल्ली) च जिसलै वायसराय सुरक्षा-विधेयक ते व्यापार विवाद विधेयक दे बारे घोषणा करऊन तां उसदे उप्पर बंब सुट्टेआ जा । फंसले मताबक ठीक मौके पर दो बंब सुट्टे गे, जिंदा जबरदस्त धमाका होआ । हाल बिच्च भगदड़ मची गई । सारे बाहूर नस्सी गे पर राष्ट्री नेता मोतीलाल नेहरू ते मदन मोहन मालवी उत्थें गे डटे रहे हे । भगतसिंह ते बटुकेश्वर दत्त चांह्दे तां असानी कन्नं उत्थुआं नस्सी सकदे हे पर नेई नस्से ते इससै करी पकड़िये जेला च बंद करी दित्ते गे । क्रांतिकारियें 23 दिसम्बर 1929 गी वायसराय लॉर्ड इरविन दी ट्रेन उप्पर बंब सुट्टेआ हा । पर ओहू बची गेआ हा । खीर 23 मार्च 1931 गी भगतसिंह, राजगुरु ते सुब्रह्मचारी त्रीनी गी फांसी देइये रावी दे कनारे अग्नि दे हवाले करी दित्ता गेआ हा । फांसी कोला किश मिण्ट पैहूले भगतसिंह ने एहू शेर पढ़ेआ हा

“दिल से निकलेगी न मर कर वतन की उल्फत मेरी मिट्टी से भी खुशबू-ए-वतन आएगी”

इत्थें एहू काबले जिकर ऐ क्रांतिकारियें दे बाकी मशहूर नेतें चा बी किश गोलियें कन्नं उडाई दित्ते हे ते केइयें गी फांसी दिती गई ही । इंदे चा चन्द्र शेखर द'ऊं पस्तीलें कन्नं इक बूहूटे दी आड़ लेइये लड़दे-लड़दे खीर बाकी बची दी अपनी गै इक गोली कन्नं मरी गे हे । पं० रामप्रसाद बिस्मिल, बटुकेश्वर दत्त, अशफाक उल्ला खां ते कर्तारसिंह सराबा गी फांसी दिती गई ही । पं० बिस्मिल ने फांसी दा फंदा गल पाने कोला पैहूले एहू गीत गाया हा—  
“मेरा रंग दे बसंती चोला मेरा रंग दे”

जिसलै जतिनदास गी फांसी दिती तां भारत-भर च जुआन-गभरू भड़की उट्ठे हे ते इयां गै भगतसिंह ते उसदे साथियें गी फांसी उप्पर लटकाने दे बाद बी देश भर च जलसे-जुलूस निकले हे ते तोड़-फोड़ होई ही । पर क्रांतिकारी-अंदोलन बा'द च इस लेई ठंडा होई गेआ हा की जे इंदे मते सारे मशहूर नेता मारे गे हे । भारत दे सुतन्त्रता अंदोलन दे इतिहास च इनें क्रांतिकारियें दियां कुर्बानियां सुनहूरे अक्खरें कन्नं लिखने जोग न ।

कांग्रेस दे 2 जनवरी 1930 दे अधिवेशन कन्नं उसलै जबरदस्त मोड़ आया जिसलै म्हात्मा गांधी दे आखने पर कांग्रेस कार्यकारिणी बिच्चा दा सुभाष चन्द्र बोस श्री निवास आइंगर जनेहू, वामपंथी नेतें गी कड़्डी दित्ता हा ।

12 मार्च 1930 गी गांधी जी दे नेतृत्व च 78 आदमियें दा जत्था सावरमती आश्रम थमां पैदल चलेआ ते 5 अप्रैल गी डांडी पुज्जा हा । 6 अप्रैल गी छे सौ कोला बी उप्पर लोक गांधी हुंदे कोल पुज्जी गे हे ते लून बनाने च जुटी गे हे । इयां गांधी जी दा नमक सत्याग्रह सुतन्त्रता-आंदोलन दे इतिहास दा इक सुनहूरा घ्याऽ बनी गेआ हा ।

“एक कदमले मिल कोला एक आवाज । अपने देश में अपना राज”

दिती ही । उसलै उतई नारा दित्ता हा

Handwritten notes in the left margin, including a vertical list of names and dates: 26 जनवरी 1929, 23 दिसम्बर 1929, 8 अप्रैल 1929, 23 मार्च 1931, 12 मार्च 1930, 5 अप्रैल 1930, 6 अप्रैल 1930.

12 सितम्बर 1931 गी म्हात्मा गांधी रौण्डटेबल कांफ्रेस च शामिल होने आस्ते लंदन पुज्जे हे। उर्थे उनें उर्थों दे नेतें गी ते सूझ-बूझ आले लोकें गी अपनियें दलीलें ते निष्कपट सोच कर्न प्रभावत करिये एह्, मन्नने गी मजबूर करी दिता हा जे भारत गी अजादी देने कर्न ब्रिटिश सरकार आस्ते बी ते भारत आस्ते बी बेह्तरी दी गल्ल ऐ। उनें उर्थों दे नेतें गी एह्, बी आखी दिता हा जे भाएं किश बी होग भारती लोक पूर्ण स्वराज स्थापत करिये गी दम लैडन।

इसदे बाद गांधी-इरविन् समझौता होआ पर उसदा नतीजा बी भारत गी तौले गे क्हुमत सौंपने आस्ते उन्ना कारगर साबत नेई होआ। इसदे बाद किश समझौते दे तैहत सांझियां प्रांती सरकारां गठत कित्तियां गेइयां पर मुस्लिम लीग दे निराशाजनक रवेये कर्न एह्, चिर तक नेई चली सकियां। सन् 1937 ते पहीऽ 1938 च नेता जी सुभाष चन्द्र बोस कांग्रेस दे प्रधान चुने गे, जिस कर्न कांग्रेस बिच्च इक बारी पहीऽ नमां जोश ते उत्साह आया, पर म्हात्मा गांधी कर्न मतभेद होई जाने कुरी उनें प्रधानगी परा त्याग पत्र देई दिता। बाद च कांग्रेस पार्टी बी छोड़िये उनें फारबड नां दी बक्खरी पार्टी खडेरी लेई जिसदा देशव्यापी प्रचार हवा फैलने आह्ला लेखा होआ। नेता जी गी पकड़िये जेला च भेजी दिता। उल्थुआं 1940 च ओह्, किसे तरीके कर्न निकलिये पंहलें जर्मनी ते पहीऽ जपान पुज्जी गे। जपान दी कैद चा ब्रिटिश फौज दे भारतियें गी छुड़वाइये उनें 'अजाद हिन्द फौज' खडेरिये उसी अंगरेज दे खलाफ लड़ाया, इंदूर 1942 च भारत छोड़ो आंदोलन ने सारे देश बिच्च तुफान मचाई दिता अंगरेज सरकार दिये जे'लें च होर कैदिये गी रक्खने गी जगह तक नेई रेही। कुल्ल मलाइये ऐसा वातावरण बनेआ जे अंगरेज सरकार दा तखता कंबी उठेआ ते खीर 15 अगस्त 1947 गी भारत अजाद होआ, अहें बक्करी दु'ह ते दिदी ऐ पर मीडना पाइये' क्हावत दे मतावक अंगरेज भारत गी पाकस्तान ते हिन्दोस्तान नां कर्न द'ऊं हिस्से बिच्च बंडी गे। बाद च 1971 च पूर्वी पाकस्तान, पाकस्तान सरकार कोला अजाद होइये बंगला देश बनी गेआ। इयां अजादी ते मिली पर लंगडी। अंगरेज अपनी कूटनीति कर्न सदियें कोला किट्ठे रोह्, आ करदे द'ऊं भ्राएं गी नेह्, आ लड़ाई गे जे म्हेशां आस्ते इक बमारी बनी गेई। दोए मुख हून तक अपने मुखे दे ज्हारे लोकें दियां जानां बी मुह्, आई बेठे न ते अरबां रपे सुरक्षा प्रबन्ध च खर्च बी करा करदे न। काश, के इये रपेआ बक्की आस्ते खर्च होंदा।

और सरकार ने - कुजलानी सरा ते जानत। □  
 कुजदिला जानत ते सरा।

अर्थात् - दे कतुम्हकि, कुदारे लिए मरु को प्रा  
 करके के अर्क दे जानत, अर्क कुदरे कल जाते च  
 \* अर्क दे न जानत।

तेलु कवि डॉ. गारमेल्ल लक्ष्मणराव ने ब्रिटिश  
 शासन के विरुद्ध - मा कोदुदी तेल्लुदेरतनम्

- "मा कोदुदी तेल्लुदेरतनम्"  
 मा जामाल पदु पोन्ना  
 आनाल्लु हरु दन्ना  
 अर्थात् - इधे दन गोरों का राज मदी चाइए, दे  
 इधे दन गोरों का राज मदी चाइए।